



14369

kat.komp.

III

Mag. S. B.

P

*Cas. Fortunati Corona aurea*

PANEG. et VITAE  
Polon. Fol.  
№ 424.







CORONA

AUREA

AVRVM PRIMVM

COLOR OPTIMVS,

Ab invidis Fatis

MUTATUS,

PERILLUSTRIS & REVEREN-  
DISSIMVS DOMINVS

D.M.HILARIUS

KASPRZYCKI,

SACRI ORDINIS BENEDICTINORVM,

REGALIS ARCHI-CÆNOBII TYNECENSIS PROFESSVS

In Alma ac Celeberr. Vniuers: Crac: AA. LL. & Philos:

DOCTOR & PROFESSOR,

Ducalis Monasterij Kościelnensis

143697

PRÆPOSITVS MERITISSIMVS,

CANONICVS natus CALISSIENSIS

Congregationis Polono-Benedictinæ,

VISITATOR.

seu

CÆNOTAPHIVM

Ad immortalem Magni PATRONI Amantissimiq; in ORDINE BENEDICTINO

Literarum Literatorumq; MECÆNATIS Memoriam Conservandam

in CONTHEMA Elogij

Officiosô Currenti Calamô

EXPRESSVM.

A

DON: CASIMIRO FORTVNATO ALBRYCHOWICZ,

O. S. B. Regalis Archi-Cænobij Tyneccensis Professo, Bibliothecario & Archivario.

\*\*\*\*\*50

CRACOVIAE, Typis Michæelis Dyąszewlki, S. R. M. Typographi.



Dignum laude Virum Mu-  
sa vetat mori. *Horatius.*

Quidquid in Eo amavimus,  
quidquid mirati sumus ma-  
net, mansurūq; est, in ani-  
mis hominū, æternitate té-  
porū fama rerum. *Tacitus.*





*ILLUSTRISSIMO & REVERENDISSIMO*  
*ac AMPLISSIMO DOMINO*  
**D. MICHAELI VALENTINO**  
*De ZOŁTOWO*

**ZOŁTOWSKI,**  
*DEI Gratia ABBATI Plocensi,*  
*CONGREGATIONIS POLONO-BENEDICTINÆ*

**PRÆSIDENTI GENERALI,**  
*PERILLUSTRI REVERENDISSIMO*  
*ac AMPLISSIMO DOMINO*

**D. CASIMIRO**  
**MOŁODECKI,**  
*Divina Dignatione ABBATI S. CRVCIS ad Nesvisium*  
*CONGREGATIONIS POLONO-BENEDICTINÆ*

**VICARIO GENERALI,**  
*PERILLUSTRI & ADMODUM REVERENDO DOMINO,*

**D. VINCENTIO**  
**CEDROWICZ,**

*Professo Calvomontano S. Crucis, S. Theologiæ Licentiato*

**PRÆPOSITO SŁVPENSI**  
**REGIMINIS CANCELLARIO.**

*Totiq; Sacratissimo Regimini Congregationis Polono Benedictinæ*  
*DOMINIS DOMINIS & Mecænatibus plurimum gratiosis.*

*DON. Casimirus Fortunatus Albrichowicz Benedictinus vivere &*  
*præesse Fortunatè.*

**N** *Utans animo hærebam, multumq; mecum subdubita-*  
*bam Illustrissime Præses, an postquam Elogia PE-*  
*TRI BENIGNI BVCHOWSKI, Benedicti-*  
*ni Tynecensis, Viri Eruditissimi Vniuersitati*  
*Doctorem & Professorum, Congregationis No-*  
*stræ Polono Benedictinæ dedicassem; etiam has grati ani-*  
*mi mei Syngraphas erga Domnum HILARIVM KASPZY-*  
*CKI, Congregationis Prælatum Visitatorem, Tibi Illustris-*

1742



fime Præful Totiq; Sacratissimo Regimini offerre æquum judicavi. Etenim Illustrissime Domine inter Magnos Maximus es, inter Sapientes quoslibet longè Sapientissimus; Cui propterea nihil est adscribendum nisi Magnum, Totiq; Sacratissimo Regimini nihil dicandum, nisi summa eruditione elucubratum. Ego verò nihil aut parum eruditionis literariæ consecutus, haud à re diutius hesitavi, si tantæ Majestati Vestrûm bracteas istas exilis styli mei inferre deberem & offerre, qui neq; ad præconisandum ingenio sum idoneus, neq; locutionis pernecessaria savoritate Ornatus. Novi enim quod negare non possum quàm sit mihi ingenium rude ac nullius facundiæ vena dicendi, propter quod & justa Oratione subisti & apparere coram Vobis Scriptor ineptus formidavi. Nam cum sitis Prælati & Domini mei mirum non est si ego indoctus & minimus Monachorum Censuram Vestræ Dignitatis metuum, & has meas Elogiorum Paginas quas novi Manibus Vestris tantùm ex Obiecto esse dignas offerre pertimescam. Sed metum hunc consideratio mansuetudinis Vestræ fugavit qua mansvescere humilibus soletis & reluctari superbis. Hac igitur animatus magnam fiduciam assumpsi. Quibus Coronam Auream, Aurum primum KASPRZYCCIVM, nempe offero, seu novum virtutum & Eruditionis splendorem, quem Deus adjecit ad Religiosissimi Patris quondam Superioris & Prælati mei Crinitam Coronã, Venerandi Sacerdotis Regale Diadema, Eximij Doctoris Pileũ Laureatũ. Placeat nunc Vobis excipere Prælati Dignissimi hoc gratitudinis erga Superiorem meum Symbolum, cui licet non sit ingenij mei Laudem, gloriam, eternitatemq; tribuere; Voluntas tamen & Studium meum Eidem gratum esse debet (si quis in mortuo sensus residet) cùm quod de Illo posteritati mandavi sit æternum, hoc illi præsidium ad immortalitatem Nominis Comparando. Inscriptum ergo Præsens Elogium Vestro Nomini cùm primum esse volui & Vestris Affectibus erga KASPRZYCCIVM, Quem amâssis exstet monumentum, & Studium Fortunati Vobis promerito serviendi locupletius innotescat.

D A B A M T Y N E C I I S.



CORONA  
CAUREA  
BENEDICTINI HONORIS GLORIA  
DOMNUS  
HILARIUS  
KASPRZYCKI,

BENEDICTINVS TYNECENSIS,

Vir ob eximias animi Ingenijquè dotes

Vt in vita amor omnium

Ita & in morte desiderijs intimus;

Ad Cujus Insigne Domus *Amicum*

nempè

Cor mortis vulnere faucium.

Amica doloris æstu rumpuntur præcordia.

Quem Nos

Quâ mente vivum, eadem prosecuti Defunctum;

Vbi ille Circulus Sophorum

Minore clauditur puncto,

Lineæq; Sepulchri breves

Grande coarctant Pulpitum.

DECVS DOCTORVM

Quale is tantum nescit, qui 'eruditionem Ejus ignorat

unus præhendit Angulus

Illius memoriâ in Cordis Sacratio deponimus

Vtque hæc insepulta maneat; nec tumulamus.

Cecidit Corona Capitis Nostri!

VISITATOR OPTIMVS,

Vbi Cæca mors Crudele vibravit telum;

Cæco Parcimus furori?

VIR ERVDITISSIMVS

Cui adeò fuerunt Artes Liberales,

ut se totæ Illius Capiti darent;

Quo dignum eruditionis facerent Sacrarium,

Quod cum publicum esset ærarium;

Thesaurum in se Sapientiæ non Abscondit,

Rerum plenissimum, Omnibus fuerat in exhaustum



*Qui tandem*

Nobis spem longam facturuss;

Breve gaudium exhibuit

**HILARIUS**

In Cujus tam pretiosum animi obryzum,

Sæcula gemmea laborârunt.

Sed hic triumphus Illius Maximus

ætatem vicisse meritis;

Sicq̃ dare posteris gustum.

& sui desiderium.

*Etenim*

Ipse sibi in **CORONAM AVREAM**,

Nunquam pari gloriæ censu æstimandam,

Teneris ab Annis

augustè satis allaboravit.

Fugacissimâ sæculi pompâ relictâ,

**INSTITVTVM BENEDICTI**

*in Spiritu eligens,*

**DEO VACABAT:**

Et ubi **FRATRVM** utilitati,

Ordinisq̃ decori fuit,

Factus est Amor Superum,

Magnes Cordium,

& **HONORIS BENEDICTINI** Splendor.

Horrens vitia amplexus virtutes,

quæ ne extra illum essent,

Cor Illis gentilitium aperuit;

Quod subintrantibus, visum est Magnificum esse;

**HILARIJ** Cordis incolere Conclavè,

jucundumq̃ habitare in unum.

Sic in Spiritu proficiens meruit & **DOCTOR** dici Classicus

& fieri Discipulus supra Magistrum,

*Quem primum*

In Alma ac Celeberrima Univerſi Crac: **AA. LL. & Philof:**

**DOCTOREM RENVNTIATVM,**

**SACRA PARISIENSIS FACULTAS**

Lilijs suis Coronans,

Cultissimas dotes Illius justis ornavit honoribus;

Credidit enim Doctus Apollo,

*hunc*



hunc Sibi Virum contigisse à Polo;  
Cui cum suam donasset Chelym  
*Ludens serio in omni.*

Omnes Parnassidas fecit HILARIOS;

Dum similes simili gaudere fecit:

Redux Patriæ & Ordini incolumis,

In Celeberr. Monasterio Lubinensi BENEDICTINO

Eruditissimus Philosophiæ PROFESSOR.

Inter tot Sapientissima Capita,

& in tanto ingeniorum conflictu

*immortales palmas*

Gloriæ eruditæ reportavit.

CORONAM hanc AVREAM

Etiam Colli suo imposuerat Tynecia,

Vbi Illum Philosophiæ & Theologiæ Moralis

excepit PROFESOREM;

Pulsans HILARIUS Organum Aristotelis suaviter lussit;

Vivus Aristoteles

Vnde vel Aristoteles in illum vel ille in Aristotelem lussit Protheum

PROFESSOR ex PROFESSO KASPRZYCCIVS;

quia Conscientiosus summè;

Sciens casus docere, non facere

explanans eosdem ut disceret omnis declinare;

Cujus audita Oracula

ejus pretij habita

quo dignum fecerat Animi Illius prudentiam

& regendi peritiam æstimari,

*Cui Fasces suos*

Maximo plausu & Consensu

REGIVM ARCHI-CÆNOBIVM TYNECENSE Offerret;

facili Suffragiorum Certamine

effuso omnium Voto

PRÆLATVM eligeret,

Custodisq; honore ornaret

P R Æ S I D E N T E

REVERENDISSIMO DOMINO

D. MARTINO KICINSKI.

Professo S. CRVCIS Calvi-Montis S. Theologiæ DOCTORE,

PRÆPOSITO KONIOMŁOTENSI,

COM.



# COMMISSARIO APOSTOLICO

Viro Religiosissimo,  
Cujus Electio ostendit satis,  
quòd sinè ullo favore & respectu  
sed Sola Virtus fuerit in Illo CORONATA:  
CORONA hæc Meritorum Illius AVREA  
Pulchre in hoc Munere enituit;  
gemmis plurimis ac monilibus  
inter immortalia opera effulsit.

Hic etenim  
*Observantia RELIGIOSÆ retinenda,*  
STVDIIS RELIGIOSIS in flore Conservandis;  
CORONANDÆ VIRTVTI & SAPIENTIÆ  
optimè Consulit

*Qua quidem*  
Pro ingenij præcellentia & in publicis agendis activitate  
ARCHICÆNOBIVM TYNECENSE  
Eum suo HILARIO litavit cultum,  
Qualem collectorum illius Meritorum excellentia requirebat,  
Præter Prælatitium Honorem,  
DVCALIS MONASTERII PRÆPOSITVM Salutando,  
AVREAM hanc CORONAM  
Proceres Cænobitici eò semper venerabantur profundius,  
Quò illa fulgentius eminebat,  
IN GENERALIBVS PROVINCIÆ COMITIIS  
VISITATOR ELECTUS.

Hoc in munere arduo eum se ostendit,  
Vt Virum infracti pectoris crederemus,  
Qui præter magnam tripudiantis Congregationis Gratulationem  
à Florido Literarum hymetto

Non minores per me Solennitatum habuit plausus,

Sed Parca parcere admodùm parca

CORONAM AVREAM  
AURUM PRIMUM

Et Colorem mutavit Optimum,

HILARIVM.

Qui ex voto Fortunati


Fruatur Gloria quam meruit,

æternitate quam quæsit,

Et multorum in ævum honoribus celebretur.







Biblioteka Jagiellońska

stdr0010919



